

Meánscoil Dharmán



POLASÁÍ IOMPAIR **(leasuithe Meitheamh 2023)**

Luachanna na scoile agus an Polasaí Iompair:

Téann luachanna na scoile mar atá le feiscint san ethos go mór i bhfeidhm ar an gcineál iompair a lorgáítear sa scoil. Chun é seo a shoiléiriú tá cúig bun-phrionsabail ann a rialaíonn dearcadh na scoile i leith iompair.

1. Is í Gaeilge teanga na scoile agus labhrófar í an t-am ar fad ar scoil, thart timpeall na scoile, ar imeachtaí scoile agus déanfar iarracht í a spreagadh agus a láidriú an t-am ar fad.
2. Taispeánfar meas i gcónaí ar 'gach duine i gcomhluadar na scoile.
3. Déanfaidh gach ball de chomhluadar na scoile a d(h)ícheall an méid aire, cuidiú agus tacaíocht ar féidir leo a thabhairt do bhaill eile de chomhluadar na scoile.
4. Déanfaidh gach ball de chomhluadar na scoile iarracht a c(h)umas a bhaint amach agus a t(h)allana a úsáid.
5. Déanfar iarracht páirt a ghlacadh i saol iomlán na scoile.

Polasaithe eile bainteach leis an Polasaí Iompair

Bíonn baint ag na polasaithe eile seo leis an méid atá sa pholasaí seo:

- Polasaí Iontrála
- Polasaí Frith-Bhulaíochta
- Polasaí Gaeilge
- Polasaí ar Oideachas Sóisialta, Pearsanta agus Sláinte
- Polasaí ar Mhí-Úsáid Substaintí
- Polasaí ar Sláinte agus Sábháilteacht san Ionad Oibre

Treoirínte Iompair

Tá an Scoil ag iarraidh atmaisféar a chruthú ina bhfuil meas ar ár dteanga agus ar ár gcultúr, ar an duine féin, ar an dtimpeallacht, ar an bpobal agus ar an gcreideamh. Chun an t-atmaisféar seo a láidriú, cuirfear béim ar iompair dearfach a mholadh in ionad pionós a ghearradh ar droch iompair. Seo an sórt iompair atá á lorg againn:

1. Meas i gcónaí ar gach duine i gcomhluadar na scoile.
2. Meas ar threalamh, ar fhoirgnimh agus ar thimpeallacht na scoile.
3. Meas ar mhaoin agus ar threalamh daoine eile i gcomhluadar na scoile.
4. Iarracht mhacánta i gcónaí i ngach rang agus ábhar.
5. Páirt a ghlacadh i saol iomlán na scoile.
6. Tinreamh agus poncúlacht.
7. Comhoibriú le chéile agus le húdaráis na scoile.
8. A bheith béasach, múinte agus cuidiúil i gcónaí.

Rialacha:

Cé go gclúdaíonn na treoiríníte thuas formhór na dtéamaí maidir le cód iompair, tá gá ann fós le roinnt rialacha.

1. Caithfidh tú do dhícheall a dhéanamh i gcónaí ar scoil agus le d'obair bhaile.
2. Caithfidh tú teacht ar scoil gach lá agus in am do na ranganna go léir
3. Caithfidh tú teacht ar scoil ullamh i gcónaí do na ranganna. Ciallaíonn singo bhfuil pinn, leabhair agus cóipleabhair agat agus trealamh speisialta mar shampla éide spóirt (corpoideachas), trealamh ealaíne (Ealaín) comhábhair agus aprún bán (Eacnamaíocht Bhaile), cóta bán (ábhair eolaíochta)
4. **Don rang Corpoideachas tá léine bán nó dúghorm polo, brístí dúghorma spóirt (ní cheadaítear aon dath eile orthu ná leggings) geansaí spóirt na scoile agus bróga spóirt. Is féidir brístí gearra a chaitheamh ach caithfear iad a cheannach ón scoil.**
5. Caithfidh tú meas a bheith agat i gcónaí ar na daltaí eile sa scoil
6. Caithfidh tú meas a bheith agat, ar gach duine a bhíonn ag obair sa scoil agustreoracha na múinteoirí a leanúint i gcónaí ar scoil agus ag imeachtaí scoile.
7. Caithfidh tú teacht ar scoil san éide scoile ceart, glan agus néata. Ciallaíonn sin go gcaithfidh tú geansaí liath, léine bán, carbhat dearg, stocaí dubha liath, **bróga dubha leathair (níl cead bróga reatha nó canbháis a chaitheamh)**, sciorta na scoile, bríste liath agus seaicéad speisialta na scoile. Más maith leat scairf, hata nó láimhíní a chaitheamh, bídís dubh nó liath amháin. **Tógfar rudaí ar dathanna difriúla agus seaicéad mícheart uait agus gheobhaidh tú ar ais é nuair a thagann an tuismitheoir isteach chun é a bhailiú**
8. **Níl cead agat an scoil a fhágáil gan cead a fháil ar dtús ón bPríomhoide/ Leas Príomhoide nó an múinteoir atá i gceannas.** Má tá tú ag fágáil na scoile luath aon uair, síníonn tú leabhar taifeadadh san oifig. Tá cead agat an scoil a fhágáil luath má thugann tú nóta isteach ag míniú an fáth don mhúinteoir ranga. **Iarrann an scoil ar thuismitheoirí gan an dalta a thógáil amach luath ach i gcás práinne amháin. Níl cead suíomh na scoile a fhágáil le linn uaireanta scoile.**
9. Má tá tú tinn ar scoil, nó i gcás práinne eile, agus má cheapann údarás na scoile gur cóir duit dul abhaile, rachaidh an scoil i dteagmháil le do thuismitheoirí. **Níl cead ag aon dalta dul i dteagmháil leis na tuismitheoirí faoi thinneas.**
10. **Má tá tú as lathair caithfidh do thuismitheoirí ríomhphoist/téacs/glaoch a chur ar oifig na scoile chun é a mhíniú.**
11. Caithfidh tú dialann scoile Mheánscoil Gharman a bheith agat ó thús na scoilbliana ar aghaidh, é a choimeád go maith i gcónaí agus é a bheith leat i ngach rang, an obair bhaile go léir a scríobh ann, síniú do thuismitheora a fháil ann gach seachtain. Níl cead an dialann a úsáid le haghaidh aon ghnó eile. Má thagann múinteoir ar dhialann atá loite le graffiti, scríbhneoireacht mhí-oiriúnach nó má tá sí stróicthe beidh ar an dalta ceann nua a cheannach.
12. Caithfidh tú taisceadán a bheith agat agus é a úsáid i gceart. Ciallaíonn sin go gcoimeádann tú néata é agus go dtéann tú chuig an taisceadán roimh an lú rang ar maidin i rith na sosanna agus ag deireadh an lae **amháin.**
13. Má tá tú ag fágáil ranga chun dul ag obair le múinteoir eile, nó go dtí cleachtadh nó cluiche spóirt caithfidh tú cead a fháil óna múinteoirí a bheadh agat nuair a bheidh tú as lathair. Caithfidh tú an obair a dhéanamh don rang sin freisin.
14. Níl smideadh tattoo, nó polladh coirp (seachas sna cluasa) ceadaithe.
15. **Má tá tú ag cur dath i do ghruaig ,caithfidh an dath a bheith nádúrtha(níl cead dhá dath nó níos mó a úsáid.**

16. Tá cosc iomlán ar dhrugaí mídhleathacha, ar thabac, ar vapes, ar dheochanna mheisciúla, ar shubstaintí baolacha a thógaint nó a bheith ag an dalta ag am ar bith ar scoil, nó ag imeachtaí scoile. Beidh daltaí ar fionraí láithreach má bhíonn siad ag vapáil ar scoil, má dhíolann siad aon rud mídhleathach agus má bhíonn beirt nó níos mó in aon chubhachail amháin. Níl cead agat a bheith in éineacht le duine atá ag briseadh an riail sin ach oiread.
17. **Tá cosc iomlán ar fhóin chliste, gléasanna ceoil soghluaiste, cluichí leictreonacha, ceamara a bheith ag dalta aon am ar bith ar scoil nó ar shuíomh na scoile roimh nó tar éis am scoile, ar thurais scoile nó le linn imeachtaí scoile nó in áiteanna eile. Is féidir cluaisíní a úsáid sa seomra rang aamháin má thugann an múinteoir cead.** Is féidir le daltaí gnáth fón bunúsach (nach féidir ceangail leis an idirlíon agus nach bhfuil ceamara air) .a thógáil ar scoil má tá tuismitheoirí ag iarraidh go mbeadh fón ag an dalta . Caithfidh an fón a bheith múchta i gcónaí ar scoil.
18. Tá cosc iomlán ar ghuma coganta mar go ndéanann sé damáiste do throscán na scoile.
19. Má tá tú ag tiomáint ar scoil caithfidh céadúnas iomlán a bheith agat. Ní ghlacfar le céadúnas sealadach. Ní mór ceist a chur roimh ré chun ionad pairceála a fháil. Fágfaidh tú eochracha an chairr in oifig na scoile ar maidin.

Duaiseanna agus Smachtbhannaí

Tabharfaidh an scoil aitheantas do dhaltaí agus ranganna a chomhlíonann na treoirlínte go sásúil sna bealaí seo a leanas:

- córas dearfach sa dialann
- scéim scoláire na bliana
- teastaisí (m.sh. teastas tinrimh, teastas poncúlacht srl)
- moladh agus aitheantas poiblí (m.sh. ag tionól, i nuachtlitir srl)

Is í aidhm na scoile daltaí a mholadh agus a ghríosadh chun a ndícheall a dhéanamh i gcónaí agus bíimid ag súil le bheith dearfach in ionad a bheith diúltach i leith iompar na ndaltaí ach

Má sháraíonn dalta treoirlíne nó má bhriseann sé/sí riail, beidh orainn an córas seo a leanas a chur i bhfeidhm:

Scríobhfaidh an múinteoir nóta i ndialann an mhúinteora (córas na bpointí) sna cásanna seo a leanas

1. Má thagann tú chuig rang gan a bheith ullamh agus dá bharr sin ag cur isteach ar mhúineadh agus fhoghlaim mar shampla má thagann tú déanach chuig rang, gan obair bhaile, gan leabhair/iPad.
2. Má chuireann tú isteach ar rang sa chaoi go gceapann an múinteoir gur cóir nóta sa dialann a scríobh faoi mar shampla má tá tú drochbhéasach, má úsáideann tú drochtheanga.
3. Má bhíonn tú ag cogaint guma coganta nó má fheictear tú ag caitheamh bruscair timpeall na scoile.
4. Má bhaineann tú mí-úsáid as an iPad mar shampla cluichí a imirt , aip nach bhfuil ceadaithe a úsáid agus araile
5. Mura bhfuil tú ag caitheamh an éide scoile /spóirt ceart

Gheobhaidh tú bileog bhuí agus coinneáil siar ag am lóin

- I gcás drochiompair níos tromchúisí.

- Má bhíonn tú ag labhairt Béarla.
- Má shroicheann tú 20 pointe ar chóras na bpointí

- Má bheirtear ort le fón cliste nó le gléasanna eile luaite i riall 17 ar shuíomh na scoile **i rith, roimh nó tar éis am scoile, ar thurais scoile (gan cead ón múinteoir) nó le linn imeachtaí scoile** tógfar an fón. Coimeádfar é in oifig an Phríomhoide. **Ní thabharfar ar ais é ach amháin don tuismitheoir ag deireadh an téarma.**
- Má thagtar ort ag labhairt as Béarla go rialta in aon bhliain amháin cuirfear fios ar na tuismitheoirí agus iarrfar orthu an dalta a thógáil abhaile láithreach. Pléifear an cas ag cruinniú den Bhord Bainistíochta. Déanfaidh an Bord cinneadh faoi na smachtbhannaí sa chás seo agus d'fhéadfadh sé iarraidh ar an dalta agus na tuismitheoirí teacht os comhair an Bhoird chun áit an dhalta sa scoil a phlé.
- Má** sháraíonn tú cód iompair na scoile/ar choinneáil siar go rialta beidh tú ar thuairisc nó os comhair Choiste Smachta na Scoile

Muna dtagann feabhas fós ar do chuid iompair nó má tharlaíonn **eachtra tromchúiseach ina gcuirtear dalta(í), múinteoirí nó aon duine eile i gcomhlúadar na scoile i gcontúirt**: má tharlaíonn eachtra ina dhéantar damáiste d'ainm na scoile; iompair ionsaitheach; gnéaschiapadh; mí-úsáid; nó aon iompair tromchúiseach eile, cuirfear an dalta go dtí an príomhoide agus ag brath ar thromchúiseacht ar eachtra.

Fágfar faoin **múinteoir ranga i gcomhairle leis an bPríomhoide agus/nó an Príomhoide Tánaisteach** cinneadh a dhéanamh faoi thromchúis an drochiompair.

Níl cead agat suíomh na scoile a fhágáil ag am ar bith nó ar fáth ar bith. Má fhágann tú an suíomh caithfear leis mar eachtra tromchúiseach.

- Iarrfar ar thuismitheoir/caomhnóir an dalta bualadh leis an bpríomhoide chun an cás a phlé.
AGUS/NÓ
- Fionraí inmheánach
NÓ
- Fionraí sa bhaile ar feadh suas le trí lá
NÓ
- An cás a thabhairt os comhair an Bhoird Bainistíochta. I gcásanna nach bhfuil réiteach eile oiriúnach, féadfar an dalta a dhíbirt ón scoil.

Nóta: Tá sé de cheart iarraidh ar an mBord Bainistíochta athbhreithniú a dhéanamh ar aon smachtbhanna agus i gcásanna ina gcuirtear dalta ar fionraí nó a dhíbirt ón scoil is féidir iarraidh ar an Roinn Oideachais agus Scileanna athchomharc a dhéanamh faoi Roinn 29 den Acht Oideachais. Caithfear é seo a lorg laistigh de 42 lá ón dáta a dhéantar an chinneadh.

MEÁNSCOIL GHARMAN

Polasaí Iompair

Tá an polasaí thuasluaite léite go cúramach againn agus táimid sásta glacadh leis.
(We have read the above policy in its entirety and we are happy to accept it).

Síniú an Dalta _____

Dáta _____

Síniú Tuismitheora _____

Dáta